

馬培之先生

馬文植字培之。孟河人。承世業爲醫。尤精外科。同光之際。名動公卿。孝欽后召入診。疔賞賚有加。年七十餘卒。著有馬評外科證治全生集。及醫略存真。尚有未刊稿若干種。藏於家。

馬培之醫案目錄

中風	一	疝氣	元
厥逆	四	痢疾	四
郁症	七	濕病	四
不寐	八	癰疾	四
虛損	二	泄瀉	四
吐血	八	便血	四
癆瘵	四	淋濁	四
痛痺	二	遺精	四
痰飲	元	七數	五
腫脹	三	調經	五
關格	吳	胎產	四
積聚	元	帶下	五

馬培之醫案

武進徐衡之編纂
嘉定姚若琴

中風

經以三陰三陽發病。爲痿。爲偏枯。三陰之病。偏於左。三陽之病。偏於右。操勞過度。心腎營陰皆虧。水不涵木。肝陽內風上擾。陡然眩暈。口喎舌蹇。右肢弛縱。不能自持。今已年餘。右肢漸能運動。口舌已正。惟不能作勞用心。右少腹近胯氣滯不舒。此處爲厥陰部位。木鬱不達。氣滯於經。肺屬金主氣。管攝一身。肺虛於上。不能周行。營衛循環失度。肺與大腸相表裏。大腸爲庚金。肺爲辛金。金水不能相生。致藏陰虧虛。故大便結而不暢。脈象沉細而濡。細爲陰虛。濡爲陽弱。氣陰兩傷。虛中夾痰。剛劑難投。當清養肺氣。兼培心腎。以舒脈絡。

生地 當歸 白芍 洋參 續斷 絡石藤 桔皮絡 黑料豆 夜交藤 桑寄生 黑芝麻

肝藏血主筋腎藏精主骨肝腎陰虧寒風溼邪客於太陽腰股作痛數年。或輕或劇。夏秋以來腿胯腰股強硬不能轉動。經謂曲而不伸者其病在筋。伸而不曲者其病在骨。肝腎血脈不榮已成殘廢。宜培肝腎以利節絡。

生地 女貞子 秦艽 酒炒木瓜 絡石藤 當歸 川連 淮牛膝 白芍 斷續 狗脊

桑枝

復診肝腎陰虧之質。脾溼下流於絡。腰股腿足筋脈殭硬。不能屈伸。脈來兩部滑數。雖遇重寒。尚不覺冷。其中伏熱伏溼不盡。補劑暫緩。擬和氣血以通經絡。緩緩取效。

北沙參 苡仁 蒼耳子 秦艽 川牛膝 當歸 木瓜 女貞子 五茄皮 白芍 白朮

榮寄生 川桂枝

洗方

當歸 艾絨 木瓜 威靈仙 紅花 桂枝 五茄皮 桑枝

脈沉細緩。左部帶弦。右部帶滑。細爲血少。緩主正虛。滑爲痰溼。肝腎之陰不足。脾經又多痰溼。血不養肝。內風暗動。鼓激痰溼。入於少陽陽明之經。左半面筋脈蠕動。左肢驚惕。辛勞益甚。舌苔白滑。口膩兼有穢氣。小便不清。溼蘊太陰。熱蒸陽明。防有偏枯之患。擬養陰息風。兼和陽明以化痰溼。

常歸 丹參 姜半夏 薏藜 橘絡 竹茹 白芍 白朮 杭菊花 晚蚕沙 桑枝
稀簽 天麻

煩勞過度。心腎交虧。水不涵木。肝陽化風。上擾陽明。胃經夾有痰溼。橫趨於絡。以致右肢不能舉動。足乏不勝步履。厥氣犯胃。頻頻作嘔。經謂三陰三陽發病。爲痿爲偏枯。三陰之病。偏於左。緣肝腎血液內虧。虛風煽動。脈象虛弦小滑。擬育陰柔肝。兼化痰舒絡。

參鬚 歸身 炒白芍 法半夏 陳皮 茯苓 中生地 炒紅花 淮膝 續斷 黃耆皮
桑寄生 枸杞子 紅棗

復診脈下右关独大而滑。陽虛明中。溼痰不化。偏風之候。右腎畏冷絡脈空虛。每於熱飲。則咳嗽頓作。肺氣亦虛。且語言未爽。舌本未和。四肢無力。營衛未充。絡中濕痰未盡。仍用前法加減主之。

黃耆皮 當歸 大生地 桔絡 杜仲 參須 半夏 牛膝 炒白芍 續斷 茯苓 桑寄生
厥逆

經曰。陽氣衰於下。則爲寒厥。陰氣衰於下。則爲熱厥。厥之爲病。皆由下虛起見。陽氣勝。陰氣虛。陽乘陰位。則爲熱厥。陰氣勝。陽氣虛。陽不勝陰。則爲寒厥。寒熱之外。又有六種之形症。少陰之厥。腹滿心痛。厥陰之厥。腹脹好臥而屈膝。尊聞之恙。已二十年。作時必嗜臥一日。旋即胸痛吐逆。肢搐神昏。過時方甦。邇來則舉發更勤。今甫定一日。診得脈象極弱。尺部洪虛。穀食少進。舌苔中剝。兩旁自滑。細揣色脈。中虛夾痰。肝腎之陰兩損。龍雷之火不藏。夫龍火起於腎。雷火起於肝。氣火挾痰上升。神明爲之蒙蔽。則神昏嗜臥。冲胃

則嘔吐厥熱。火動風生。風木乘土。故四肢搐搦。擬暫進養營柔肝。兼和胃化痰之法。嗣後再投培養肝腎。佐酸鹹斂降之法。俾龍潛海底。雷藏澤中。不致上冒。庶可杜患。

當歸 白芍 丹參 洋參 法半夏 萊菔 伏神 鬱金 合歡皮 白朮 炙甘草 桔紅
紅棗

恙由驚恐起見。驚則氣亂。傷乎心也。恐則氣下。傷乎腎也。心膽氣偏。痰涎沃乎心包。神志瞋亂。寤不成寐。或歌或笑。或泣或悲。飲食倍于曩昔。陽明痰火有餘。成爲癲症。擬用瀉心溫膽法。

硃砂拌麥冬 石菖蒲 黃連 琥珀 川貝 鬱金 橘紅 石決明 枳實 粉草 元參
豬心血 竹瀝

思勞抑鬱。心脾受虧。木鬱不達。氣化爲火。心君被擾。恍惚不甯。言語不經。精神疲憊。四肢驚惕。慮成癲癩之疾。急爲養榮。開暢心脾。以舒木鬱。

丹參 半夏 遠志 柏子 鬱金 菖蒲 陳皮 白芍 當歸 石菖蒲 沙參

脈沉細弦急。思慮過度。心肝鬱而不達。氣化爲火。神思恍惚。志意不樂。不能自如。臥不成寐。將成癲疾。擬養陰清氣解鬱。以甯神志。

沙參 百合 麥冬 辰砂 拌 遠志 鬱金 生草 琥珀 合歡皮 柏子仁 川貝 山梔

茯苓 金器 雞子黃 冲服

思慮過度。心脾受虧。木鬱不達。氣化爲火。中土受其剋制。以致胸腹作脹。食少無味。心胸煩悶。恍惚不安。神志不靈。語言欲出忽縮。慮成癲疾。宜養心脾。舒木鬱。

沙參 麥冬 佩兰 鬱金 淮藥 遠志 琥珀 半夏 柏子仁 丹參 陳皮 茯苓

合歡皮

右年二十餘。腹痛有年。日甚一日。發時胸悶。嘔吐眩暈。神昏肢搐。逾時甦醒。旋即四肢紅紫。斑疹透則神識漸清。脈弦滑。風伏於脾。侵於營分。痰滯

於中氣道壅閉。陡然痛作。得吐則胃氣宣通。伏邪分泄矣。用宣中降濁兼理伏邪。

鬱症

半夏 白蘞 藜 川朴 大頭麻 郁金 荊芥 丹參 青皮 茯苓 降香 生姜

鬱之一症。共有六條。氣血痰火。壅食也。脈象虛弦。左細。右關浮弦滑疾。鬱損心脾。肝胃不清。痰氣阻滯於中。胸脘不舒。飲食入胃。則氣閉神昏。牙緊肢冷。背俞作脹。吞酸作吐。脾陽不升。濁痰上蒙清竅。左目紅絲。瞳神縮小。視物不明。胃濁不降。大便艱難。目眶青黑。痰滯於脾。經來腹痛。木鬱不達。擬和暢肝脾。化痰舒鬱。

丹參 半夏 橘紅 鬱金 萊菔 枳殼 山枝 茯苓 遠志 竹茹 菖蒲 佛手

脈象沉弦且細。沉者鬱也。弦爲氣滯。細爲血衰。心脾鬱而不遂。氣互於中。脘中迷悶不暢。不嗜米穀。只餐麵食。麥爲心穀。米爲脾穀。子虛求助於母。

也。穀食不食。則形神日羸。擬養心調脾。以甦胃氣。

舊梗 於朮 益志仁 遠志 陳皮 法夏 佩蘭 穀芽 參鬚 鬱金 茯苓 煨姜 紅棗

心脾鬱而不遂。氣化爲火。浮越於上。以致頭面烘熱。欠寐。心神不安。下部怯冷。擬養心脾以舒鬱。

北沙參 丹參 遠志 懷藥 合歡皮 當歸 法半夏 鬱金 廣皮 白芍 柏子仁 秫米

脈象沉細而弦。兩尺下垂。腎水自虧。心脾鬱而不遂。氣血偏阻。左偏頭汗。胸腹不舒。精神困乏。欠寐耳鳴。當養心脾以舒鬱。

龜板 陳皮 法半夏 當歸 沙苑 遠志 丹參 茯苓 合歡皮 淮山藥 炒白芍 紅棗

不寐

恙由驚恐而起。旋即不寐。心胸熱辣。咽溢氣痺呃逆。甚至昏厥。經云。驚者。心與肝胃病也。心氣強。則觸之不動。心氣虛。故觸之易驚。肝屬木。屬風。風木震動。故病熱驚駭。胃爲多氣多血之經。胃氣壅則生熱。故惡人與火。聞聲

則驚。心主藏神。驚則神舍空。陽明痰熱內居心包。神不歸舍。故見症若是。擬養心和胃平肝。以安神志。

北沙參 法半夏 茯神 丹參 遠志 當歸 柏子仁 合歡皮 白蒺藜 佛手 竹茹

龍齒 雞子黃

素是溼體。肺氣不利。鼻塞不聞有年。今春臍下動氣上振於心。臥不成寐。脈細左關弦硬。舌苔滿白。肝腎不足。陽明溼痰不清。痰結於中。清陽之氣不能上升。擬用溫胆湯加味主之。

法半夏 竹茹 枳殼 秫米 丹參 北沙參 川貝 茯苓 薤白 甘草 白朮

復診。不寐之證。有十數條。靈樞云。以陽氣不得入於陰之氣。故目不瞑。腹有動氣。下及心胸。臥不成寐。肝腎陰虧於下。胃陽擾動於中。面有油紅。陰不斂陽。水火不能交濟。擬培肝腎。以攝衝任。

南北沙參 生熟首烏 川連 肉桂 紅綠豆 生炙甘草 赤白芍 生熟棗仁 川紋石斛

龍齒骨 百合

三診脈象細而緩。沉候帶弦。緩乃脾之本脈。土虛生溼。沉候弦者。陰傷肝不和也。脾處中州。爲化生氣血之藏。脾虛不能佈精於胃。子令母虛。神不歸舍。澈夜不寐。始進和胃。繼交心腎。均未得效。擬從心脾進治。

孩兒參 山藥 益智仁鹽水炒 歸身 白芍 白朮 陳皮 佩蘭 棗仁 夜合花

遠志甘草水炒 生熟棗仁 浮小麥 紅棗

右寸脈虛。是氣之不足。兩尺沉細。命腎皆虧。兩關小而帶滑。肝脾兩經夾有溼邪。欲小解大便亦隨之而下。有時氣墜於囊。精凝成粒。此氣虛夾溼。腎元不固。虛陽上浮。頭目昏暈。臥不成寐。擬益氣固陰。以斂浮陽。

黨參 歸身 兔絲子 益智 懷藥 沙苑 蒺藜 黃肉 白芍 丹皮 生地 棗仁 澤瀉

憂思抑鬱。最損心脾。心主藏神。脾司志意。二經俱病。五內俱違。心爲君主之官。脾乃後天之本。精因神怯以內陷。神因精傷而無依。以故神擾意亂。

竟夕無寐。故多患驚悸怔忡之病。

異功散加 遠志 棗仁 歸身 黃耆

虛損

心主血而藏神。脾統血而藏意。肝藏血而榮筋。思慮煩勞。心脾營血固虧。而氣分亦弱。肺爲氣之主。腎爲氣之根。夫營出中焦。衛出下焦。故腎爲立命之本。勞則氣墜於下。心神不安。四肢慵倦。形神消瘦。口渴便難。中虛營損。顯然。幸脈息尙和。眠食如常。擬養心脾。調中益氣。

炙芪 人參 益智 杜仲 枸杞 當歸 橘紅 法夏 棗仁 熟地 山藥 茯苓 炙草

於朮 白朮 麋茸 柏子仁 料豆 元眼 紅棗 清膏

肺屬金主氣。腎屬水藏精。氣輕浮易上而難下。精沉重易下而難上。此物之自然也。腎水素虧。前半因熱病而致。噎咳咯血。血止而咳嗽未除。動勞氣促。不能平臥。肺虛清肅不降。腎氣少藏。宜金水並調。佐之攝納。

北沙參 淮藥 女貞 象貝 金櫻子 生地蛤粉炒 牡蠣 甜杏仁 料豆 雲苓 毛燕
合歡皮

脈象虛細。左關較弦。脾胃久虧。肝陽偏旺。加以操持過度。心氣亦虛。入夏以來。又感寒暑之邪。致患腹痛洩瀉諸候。現已就痊。黎明時腸鳴腹痛。口泛清涎。四肢骨節酸痛。口渴心煩。夜不安寐。餌葷則便薄。舌苔中剝。氣陰兩傷。中氣不能建立。偏寒偏熱之劑。在所難投。擬調養心脾。兼立中氣。

黨參 淮藥 棗仁 烏梅 白芍 炙草 於朮 當歸 茯神 料豆 炙耆 益智 紅棗

陰虛木鬱。入夏暑溼之氣傷肺。咳嗽見血。血止而欬不平。秋復面浮腫。動勞氣促。力乏音低。形神日羸。穀食大減。小溲短滴不禁。呃逆無聲。肢冷舌白。脈濡。兩尺不應。肺脾腎三經大敗。真陽欲離。胃從中竭。症在不治。勉投參附回陽。以盡人事。再延高明多裁。

人參 附子 法半夏 炙草 破故紙 茯苓 炮姜 白芍

精氣神爲人身三寶。精藏於腎。氣出於肺。神藏於心。心有所思。則精有所耗。神無所歸。氣無所附。百病生焉。心悸懶動。倦怠乏力。便泄精關不固。穀食不香。心脾腎三臟皆虧。法當靜養。勿慮勿勞爲要。

黨參 白朮 黃耆 龍齒 煅仁 遠志 茯神 當歸 木香 廣皮 煨姜 紅棗 元眼 魚肚

閱恙原心悸自汗。頭眩。胸悶懊懣。食減少寐。週身酸痛。間作寒熱。業已有年。此乃心脾腎三經不足之症。心主血而藏神。心營虧。則神不安舍。脾生血而藏意。脾之生氣不旺。無以化生新血。陰津不能內守。多勞多動。氣機不續。經以營出中焦。衛出下焦。產育頗多。下元根蒂已虧。擬養心調脾。兼育腎陰。

黨參 甜冬朮 歸身 懷藥 茯神 生熟地 酸棗仁 遠志 沙苑 料豆 柏子仁 炙草 麥冬 陳皮 元眼 紅棗 黃芪 杜仲 川斷

正產後。肝腎血液內虧。加之憤鬱。木不條達。氣動於中。衝陽又復上僭。臍有動氣。跳躍如梭。上撐心胸。君主不安。寤而少寐。有時胸脅作痛。氣攻脈絡。遍體肉瞤。上澈泥丸。則頭目眩暈。夫肝爲心母。脾爲心子。血少肝虛。心脾亦虧。心主血而藏神。心虛則神不歸舍。脾虛則化原乏運。穀食無味。臥病經年。不能起坐。血脈無以榮養。則汗出不休。陰不內守。氣不衛外。虛損之候。脈象虛弦小滑。舌苔白滑。微帶灰色。氣血俱虛。虛中夾痰。未便膩補。先爲調養心脾。以斂散逆之氣。俾陰平氣和。再調肝腎。

歸身 白芍 合歡皮 橘白 伏神 法半夏 煨杜鵑 丹參 淮藥 煨龍齒 參須

梳米

先天不足。心肺之陽亦虛。小洩勤短。每於誦讀之時。則小水如固游息。靜坐則否。此乃勞則氣提於上。靜則氣陷於下。當擬補肺育陰。

黃芪 玉竹 麥冬 益智仁 淮藥 潼沙苑 料豆 炙草 陳皮 紅棗

脈象寸關滑數。兩尺弱細。腎水虧於下。肝肺之熱浮於上。陽明胃經又有溼痰。肺氣不能下行。兩足軟弱無力。遇事驚心。津津汗出。有時痰嗽。來紅陰虛。絡中有熱。法當養陰以清肝肺。

北沙參 麥冬 石斛 女貞子 生地 淮藥 黑料豆 丹皮 旱蓮草 茯苓 玉竹

毛燕 藕

心主藏神。腎主藏精。精也者。神依之。如魚得水。氣依之。如霧覆淵。心神過用。心陽下吸。腎陰。陰不上乘。龍雷之火。亦復不藏。以致心神搖蕩。久寐滑精。諸虛壘出。夫水火人之所賴以養生者也。少火生氣。壯火食氣。脈弦細微數。左關較大。水火交虧。龍雷不潛。法宜養心益腎。以甯神志。兼制肝陽。

大生地 生炙甘草 東西洋參 歸身 生熟棗仁 龍骨齒 紅陳豆 黑料豆 怀山粉

白芍 茯神 陳皮鹽水炒 黃魚肚 河井水煎

虛寒之體。中氣又弱。以致生氣不旺。肝氣怫鬱。中土愈傷。氣餒則氣不